



# ISUMAQATIGIISSUT

---

KNI A/S-IMI  
INGERLATSEQATIGIIFFIUTAANILU SULISUT

---

SULINERMIK INUUSSUTISSARSIUTEQARTUT  
KATTUFFIAT (SIK)

AAMMA

KNI A/S

**2019 - 2023**

<b>§ 1 - Isumaqatigiissummi pineqartut.....</b>	<b>3</b>
§ 2 - Atorfininnermi soraarnermilu angalaneq, ineqarneq, nuutsitaaneq. ....	4
§ 3 - Suliffiup sivilissusia. ....	4
§ 4 - Atorfilittut angalanermi aningaasartuuteqarneruneq.....	4
§ 5 - Atisat sullisit atortullu isumannaallisaatit. ....	5
§ 6 - Sulisut sulinerinik unitsitsigallarnerit § 1 g) naapertorlugu.....	5
§ 7 - Uparuaasinnaatitaaneq. ....	5
§ 8 - Akissarsiat tunniunneqartarnerat. ....	6
§ 9 - Sulinggifteqarneq sulinggifteqarnerisutillu. ....	6
§ 10 - Toqkukut qimagaasut aningaasarsiassaar. ....	7
§ 11 - Napparsimaneq. ....	7
§ 12 - Naartuneq, ernineq qitornavissartaarnerlu.....	8
§ 13 - TNI-mi ilinniartut praktikkererisa sivitsornerat. ....	8
§ 14 - Meeqqap napparsimanerani sulinggissinnaaneq aamma ullut isumassuiffissat .....	9
§ 15 - Qinikkatut pisortanilu toqqakkatut suliaqarnerit.....	10
§ 16 - Sulinggissinnaanerit immikkut ittut allat.....	10
§ 17 - Aaqqiingiingissutit assigiingitsuliorlunilu soraarsitsinerit.....	11
§ 18 - Sulisut sinnisaat pillugit malittarisassat.....	11
§ 19 - Qanoq sivilisutigisumik sulisimanikkut akissaasersugaaneq. ....	11
§ 20 - Akissarsiat tungaviusut.....	12
§ 21 - Områdelederinut tapeq.....	14
§ 22 - Piffissap ilaannaani suliffeqarneq.....	14
§ 23 - Qaangiuttoorneq aamma taarsiullugu sulinggikkallarneq. ....	15
§ 24 - Suliartortarfinni nikittartuni kiisalu sapaatini nalliuttunilu tapisiat.....	16
§ 25 - Nalliuttuni ulluinnartigoortuni akissarsiat.....	17
§ 26 - Nikittarluni sulinermut tapisiat § 1 g) naapertorlugu atorfeqartunut.....	17
§ 27 - Akkordersinnaannginnermut tapisiat § 1 g).....	18
naapertorlugu atorfeqartunut.....	18
§ 28 - Suliartoqquneqariataarsinnaanermut tapeq.....	18
§ 29 - Oqaluttaanermut tapeq. ....	19
§ 30 - Kingoraartaaneq. ....	19
§ 31 - Tapisiat immikkut ittut. ....	19
§ 32 – SISA-mut akiliutit .....	19
§ 33 - QIA, Feriefondi.....	20
§ 34 - Soraarniuteqarneq soraarsitsinerlu.....	21
§ 35 - Piffissaq isumaqatigiissutip atuuffia.....	22
§ 36 - Atsiornerit.....	23

## § 1 - Isumaqatigiisummi pineqartut.

Isumaqatigiisummi uani pineqarput:

- a) TNI-mi ilinniartut aamma NI-2-mi ilinniartut,
- b) Sulisut ilinniagaqanngitsut, nalunaaquttap-akunnermusiallit qaammammusiallillu,
- c) Sulisut ilinniagallit, nalunaaquttap-akunnermusiallit qaammammusiallillu,
- d) EVU,
- e) Overassistentit,
- f) Områdelederit,
- g) Tunisassiornermik suliaqartut
- h) Niuertut,

KNI A/S-imi taassumaluunniit ingerlatseqatigiiffiutaani tamakkiisumik pigisaani atorfinitsinneqartut aammalu isumaqatigiissutinut allanut attuumassuteqanngitsut, isumaqatigiisummi uani akissarsialinnik taagorneqartut.

Imm. 2. Akissarsiallit inuussutissarsiornermik ilinniakkamik toqqagaqarsimasut aammalu niuernermit allaffinnilu praktikkerfeqartut tassaapput TNI-mi NI-2-milu ilinniartut.

Imm. 3. Akissarsiallit ilinniartutut naammassillutik, TNI-mi ilinniakkatik aallaavigalugit atorfinitsinneqartut svenditut allagartallit imaluunniit ilinniarnerminnik uppersaateqartut ilinniagaqartuupput ilinniakkaminnik suliaqarunik.

Imm. 4. Akissarsiallit imm. 3-mi aalajangersakkanik naammassinnittut aammalu inuussutissarsiornermi ilinniaqqinnerminnik naammassillutik allagartallit EVU-mi NI-2-milu ilinniarsimasuupput.

Imm. 5. Akissarsiallit imm. 2 – 4-mi ilaatinneqanngitsut tassaapput sulisut ilinniagaqanngitsut.

Imm. 6. Immikkut ittunik pissutissaqartillugu akissarsialik ilinniagaqarsimanngitsoq illua'tungeriit isumaqatigiinniareernerisigut ilinniagalittut assistentimut qaffatsinneqarsinnaavoq assistentitullu akissaateqartinneqassalluni.

Imm. 7. Akissarsiallit isumaqatigiisut una malillugu nalunaaquttap-akunnermusialittut qaammammusialittullu atorfinitsinneqarsinnaapput. Sulisulli ilinniagallit nalinginnaasumik qaammammusialittut atorfinitsinneqassapput, piffissami killilikkami atorfinitsitaanngikkunik, soorlu sulingiffeqartunut napparsimasunullu paarlatsit imaluunniit allatut qaammatit pingasut angullugit sivilisussuseqartunik suliaqarallartut. Sulisulli ilinniagaqartut namminneq kissaatigalugu nalunaaquttap-akunnermusiaqalersinnaapput imaluunniit nalunaaquttap-akunnermusiaqaannarsinnaallutik.

Ataatsimut periaasissatut illua'tungeriit isumaqatigiisutigisimasaat Tunngaviusumik Isumaqatigiisummi aalajangersagaapput – soorlu isumaqatigiisutit il.il. qanoq isumaqatiginniutigineqartassasut.

## **§ 2 - Atorfininnermi soraarnermilu angalaneq, ineqarneq, nuutsitaaneq.**

Akissarsiallit illoqarfimmi/nunaqarfimmi najugarisaminniit allamut atorfinitsinneqarunik atorfinikkiartorlutik angalanissaminnut aamma sivikinnerpaamik ukiut pingasut atorfeqareernerminni soraarnerminnut atatillugu illoqarfimminnut/nunaqarfimminnut qimataminnut angalanissamut akiliunneqartussaapput.

Imm. 2. Akissarsiallit imm. 1-imi taaneqartutut atorfinitsitaasut inissaqartinneqartussaapput – inissiamik attartornermi nalinginnaasumik akigititamik akilerneqartartussamik. Akissarsiallip inissamisut innersuunneqartoq piumanngippagu imaluunniit inissiamik attartornermut isumaqatigiissummik sumiginnaappat KNI A/S inissaqartitsinissaminut pisussaataitaassanngilaq.

Imm. 3. Kalaallit Nunaanni atorfik pigiinnarlugu allamut nuuttoqassappat nuunnermi aningaasartuutit KNI A/S-ip akilissavai.

## **§ 3 - Suliffiup sivilissusia.**

Piffissaq nalinginnaasumik suliffiusartussa qapaatip-akunnerinut marlunnut nalunaaquttapakunnerinik 80-nik sivilissuseqarpoq, agguaqatigiissikkaanni qaammammut nalunaaquttapakunneri 173,33-it. Sapaatip-akunnerata ulluini ataasiakkaani piffissat suliffiusussat aalajangersarneqartassapput suliffiup pisariaqartitsinera naapertorlugu. Sapaatip-akunnerani ullut arfineq-marluk ilaat ullut marluk akissarsiallip nalinginnaasumik sulinngiffissarai, sumiiffimmili isumaqatigiinnikkut tamanna saneqqunneqarsinnaavoq.

Imm. 2. Sulisut sulisullu sinniisui oqaloqatigereerlugit suliffimmut pitsaanerususaaq eqqarsaatigalugu ullormut piffissaq suliffiusartussa sulisitsisumit aalajangersarneqassaaq. Isumaqatigiinngittoqartillugu SIK uparuaasinnaatitaavoq, § 7 naapertorlugu.

Imm. 3. Piffissap suliffiusup nalaani sumiginnaaneri akissarsiatigut ilanngaaffigineqaataasassapput. Akissarsianit ilanngaataasassapput nalunaaquttapakunneri suliffimmik sumiginnaaffiusut tamarmik, nalunaaquttapakunnerini pineqartuni akissarsiallip nalinginnaasumik nalunaaquttapakunnermusiaasa amerlaqataannik. Sumiginnaaneri nalunaaquttapakunnerata affaanik sivilissusillit nalunaaquttapakunnerata affaanik sumiginnaanertut naleqassapput.

## **§ 4 - Atorfilittut angalanermi aningaasartuuteqarneruneq.**

Akissarsiallit najugartik qimallugu allamut suliarortitaagallarsimatillugit KNI A/S ullormusi-aqartitsissaaq malittarisassat KNI A/S-imi sulisunut tamanut atuuttut naapertorlugit. Ullormusiat atuuttut apparlugit aallanngortinneqarsinnaanngillat tamatumunnga SIK akuersisimatinagu.

Imm. 2. Piffissaq sulinermut pikkorissarnermullu tunngatillugu angalanermut atorneqartoq piffissatut suliffiusutut nalinginnaasutut naatsorsuuneqassaaq. Taamaattumik piffissap angallaviusup piffissatut suliffiusutut naatsorsorneqarnera kinguneqartinneqarsinnaanngilaq ullormi tassani piffissap suliffiusup nalinginnaasup naammassineqarsimannngitsuutinneqarneranik sipporneqarsimasuutinneqarneranilluunniit.

Imm. 3. Pikkorissarnermut ilinniarnermulluunniit peqataaneq ullormut pikkorissarfiusumut nalunaaquttap-akunnerisut 8-tut naatsorsorneqartassaaq.

## **§ 5 - Atisat sullisit atortullu isumannaallisaatit.**

Atisat sullisit atortullu isumannaallisaatit sulianut aalajangersimasunut sullivinnullu assigiinn-gitsunut naatsorsuussat Sullivinnik Nakkutillisioqarfimmit piumasarineqartut sulisitsisup akis-sarsialimmut akeqanngitsumik atugassanngortissavai.

Imm. 2. Akissarsialik pisussaataavaoq atisat sullisit atortullu isumannaallisaatit sulisitsisumit tunniunneqartut atussallugit.

## **§ 6 - Sulisut sulinerinik unitsitsigallarnerit § 1 g) naapertorlugu.**

Akissarsialik suliffimmi sivikinnerpaamik ulluni 30-ni atorfeqarsimasoq pissutsit avataaneersut pissutigalugit pilersaarutigisatut suliassamik ingerlatsisinnaanngitsoq suliassamillu allamik in-nersuunneqarsinnaanngitsoq, kisiannili nioqqutissiassaaleqineq imaluunniit maskiinanik aju-toorneq pissutigalugu angerlartitaasoq ullormut nalinginnaasumik suliffimmut akilerneqas-saaq, aamma nalinginnaasumik suliffiup aallartinnerani angerlartitaasimagaluaruniluunniit.

Imm. 2. Lærlingilli sulinerup unitsikkallarnerqarnerini imm. 1-imi aalajangersagaq apeqqutaa-tinnagu tamatigut akissarsisinneqarsinnaatitaapput.

## **§ 7 - Uparuaasinnaatitaaneq.**

SIK uparuaasinnaatitaavaoq illua'tungeriit Tunngaviusumik Isumaqatigiissutaat atuuttoq naap-ertorlugu ulluinnarni piffissaq suliffiusartoq aammalu arfininngornikkut sulisannginnerit akissarsiallit kissaataannut naapertuuttumik naatsorsuutigineqanngissorigunigit, aammalu ta-manna suliffimmut pitsaanerususaaq eqqarsaatigalugu tunngavissaqarsorinngikkuniuk.

Imm. 2. Akissarsiallip §§ 4-mi aammalu 22 – 34-imi pissarsiassat taaneqartut pissarsiarisinnaa-nerai nalornissutaassappat, aammalu sulisut sinniisaat aqputigalugu saaffiginnissutit naam-maginantumik iluarsivigineqanngippata, illua'tungeriit Tunngaviusumik Isumaqatigiissutaanni malittarisassat naapertorlugit suliassaq suliarineqarsinnaavoq.

## **§ 8 - Akissarsiat tunniunneqartarnerat.**

Nalunaaquttap-akunneranut akissarsialinnut ullut 14-ikkaarlugit akissarsititsisoqartarpoq, qaammammusalinnullu qaammatisiutit malillugit qaammammut akissarsititsisoqartarluni.

Imm. 2. Akissarsiallip nalunaarutigissavaa Kalaallit Nunaanni Danmarkimiluunniit aningaaserivimmi konto akissarsiami ikineqarfigisinnaasaat.

Imm. 3. Nalunaaquttap-akunnermusialinnut akissarsiassat tiguneqarsinnaalertassapput piffissap akissarsiffiusup naanerata kingorna sapaatip-akunnerani tulliuttumi tallimangornikkut. Qaammammusalinnut akissarsisitsineqartassaaq qaammatip ulluani aningaaseriviup nalinginnaasumik ammaffiani kingullermi.

Imm. 4. Imm. 3 naapertorlugu ullormi akissarsiat tiguneqarsinnaalerfianni akissarsiallip akissarsiassai kontoanut ikineqarsimangippata akissarsiallip piumasaqarneratigut akissarsitineqassaaq.

Imm. 5. Ulloq nalinginnaasumik akissarsiffissaq nalliuttuusimappat ulluinnarmi nalliuttup siuliani kingullermi akissarsisitsineqassaaq.

## **§ 9 - Sulinggiffeqarneq sulinggiffeqarnerasiutillu.**

Inatsisartut inatsisaanni nr. 10, 12. novembari 2001-imeersumi, § 2 naapertorlugu, inatsimmit makkua allaassutaassasut isumaqatigiissutigineqarput:

Feeriarneq pillugu Inatsisartut inatsisaat pisoqaaq nr. 22, 25. oktobari 1990-imeersoq naapertorlugu akissarsialik ukiumoortumik sulinggiffeqarsinnaatitaavoq. Inatsisartut inatsisaanni § 1 imm. 2 naapertorlugu maleruagassat immikkut ittut ataani allassimasut isumaqatigiissutigineqarput.

Imm. 2. Akissarsialik pisinnaatitaavoq akissarsiami 12,5%-iat sulinggiffeqarnerasiutissamisut katersussallugit, taakkunungali ilaatinneqanngillat isumaqatigiissummi § 4 naapertorlugu akissarsiat aammalu § 32 naapertorlugu sulisitsisup soraarnerussutisiassatut akiliutigisartagai.

Imm. 3. Akissarsiallit Inatsisartut inatsisaanni § 14 imm. 1 naapertorlugu akissarsiat pigiinnarlugit sulinggiffeqarnissamut taarsiullugu immikkut sulinggiffeqarnerasiuteqarluni sulinggiffeqarnissaq qinerpassuk ullunik sulinggiffeqarfimmik amerlaqataannik akissarsiaminnit ilanngaavigineqassapput. Nalunaaquttap-akunnermusiaq nalinginnaasumik ukiumut akissarsiat 1/2080-attut naatsorsorneqassaaq.

## **§ 10 - Toqukkut qimagaasut aningaasarsiassaat.**

Akissarsialik § 1 imm. 1 naapertorlugu sulii atorfeqartilluni toquppat uillanneranut / nuleerneranut qitornaanulluunniit 18-it inorlugit ukiulinnut akissarsiallip pilersuisussaaffigisaanut imatut aningaasarsiaqartitsineqassaaq:

KNi A/S-mi ima sivilissusilimmik ataannartumik sulisimagaanni:

Ukioq ataaseq: Tunngaviusumik qaammammusi 1 nalingi.

Ukiut marluk: Tunngaviusumik qaammammusi 2 nalingi.

Ukiut pingasut sivilissunerumillu: Tunngaviusumik qaammammusi 3 nalingi.

## **§ 11 - Napparsimaneq.**

Akissarsialik napparsimanini pissutigalugu suliaminik ingerlatsisinnaajunnaarpat pissuteqavilluni sulinginnertut tamanna naatsorsuunneqassaaq. Pissuteqavillunili sulinginnertut naatsorsuunneqarsinnaanngilaq akissarsialik sulitilluni piaaraluni imaluunniit mianersuaalliorujussuarnermi kingunerisaanik sulisinnaajunnaarpat sulilernerminiluunniit peqquserlunnikut nappaateqarnini isertuussimappagu.

Imm. 2. Sulisitsisup piumasarisinnaavaa napparsimaneq nakorsap nalunaarutaatigut uppersarneqassasoq. Nakorsap nalunaarutaanut aningaasartuutit sulisitsisumit akilerneqassapput.

Imm. 3. Nalunaaquttap-akunnermusiallit ulloq naallugu sulisartut SIK-mut ilaasortaasut napparsimanermik nalaani ullormusiaqartinneqartassapput akissarsialik napparsimalinginnermini sivikinnerpaamik atasuinnarmillu ulluni 30-ni atorfeqarsimappat.

Imm. 4. Ullormusiaqartitsineq aallartinneqartassaaq sulisinnaannginnermi ullormit siullermit. Ullormusiaqartitsisoqassaaq sapaatip-akunnerisa ulluni 6-ini. Ullormusi 6-anerpaamik sapaatip-akunnerini 26-ni tunniunneqarsinnaapput qaammatit tullerit 12-it ingerlaneranni. Sulisinnaajunnaarnerli sulilluni ajoqusernermik pissuteqarsimappat ullormusiaqarneq sapaatip-akunnerinik 13-inik sivitsorneqarsinnaavoq.

Imm. 5. Ullormusiaqartitsineq unissaaq akissarsiallip ullormi sulisinnaaqqilerfiani siullermit, ingerlaannaq sulilingikkaluarpalluunniit aammalu ajorunnaarnerminik nalunaaruteqanngikkaluarpalluunniit. Akissarsialilli suliffimmi najugaqarfia qimallugu napparsimanermini katsorsartereeluni sulisinnaanngoqqikkuni aqutissaq pilertornerpaaq atorlugu suliffimminut uternissaata tungaanut ullormusiaqartinneqaannassaaq.

Imm. 6. Napparsimanerup nalaani soraarsitaanerminni ulloq suliunnaarfissaq tikillugu ullormusiaqartitaasinnaaneq atuutissaaq.

Imm. 7. Ullormusiat kr. 90,00-iupput, piffissamilu akissarsiorfimmi akissarsianut ilanngullugit SIK-mut ilaasortaasunut tunniunneqartassallutik.

Imm. 8. Qaammammusiaqarlutik akissarsialinnut tunngatillugu pissutissaqavillutik sulingitsunut, imm. 1 naapertorlugu, nalinginnaasumik nalunaaquttap-akunnermusiaq ullormi tassani piffissap suliffiusup sivissusianik gangerlugu akissarsiarineqassaaq.

Imm. 9. Qaammammut akissarsiallit qaammatini malittuinnarni 12-ini katillugillu ulluni 120-ni napparsimanermik nalaanni akissarsiaqartinneqartut ullut 120-t takkua qaangiunnerannit ullunik 30-nik sioqqutsisumik nalunaarfiginerisigut soraarsinneqarsinnaapput. Soraarsitsineq aatsaat atuussinnaavoq ullut 120-t pineqartut qaangiunnerannut tunngassuteqarpat aammalu akissarsialik suli napparsimappat. Soraarsitsinerulli atuunnissaanut apeqqutassanngilaq pineqartup soraarsinneqarnerminik nalunaarfigineqarnermi kingornatigut suleqqilereersimamera.

Imm. 10. Imm. 9-mi aalajangersagaq naapertorlugu atorfeqarneq atorunnaarsimappat atorfinitsitseqqinneq aatsaat pisinnaasariaqarpoq pineqartoq sulisinnaaqqilerpat aammalu suliffimmi pineqartumi sulisussanik pineqartunik suli atorfissaqartitsisoqarpat.

Imm. 11. Atornerluisoqarpat aqqissuussinerit pineqartut akissarsialinnut ataasiakkaanut tunngatillugit atorunnaarsinneqarsinnaapput.

## **§ 12 - Naartuneq, ernineq qitornavissiartaarnerlu.**

Isumaqatigiissummi matumani illua'tungeriit naartunermut, erninermut qitornavissiartaarnermullu atatillugu immikkut isumaqatigiissuteqanngillat, inatsisinili qaqugukkulluunniit atuuttuni pisinnaatitaaffiit innersuunneqaannassallutik.

Imm 2. Illua'tungeriit isumaqatigiinniartuusut qaammammusialinnut ilinniarsimasunut tunngatillugu isumaqatigiissutigaat naartunerup, erninerup qitornavissiartaarnerullu nalaani sulingiffeqarnermi pisarnertut akissarsiaqartitsineqaannassasoq, naartunermi, erninermi qitornavissiartaarnermilu sulingiffeqarnerup sivissusianut inatsisini aalajangersakkanut atuuttunut naapertuuttumik.

## **§ 13 - TNI-mi ilinniartut praktikkernerisa sivitsornerat.**

Naartuneq, ernineq qitornavissiartaarnerlu pissutigalugit sulinginnerit sivoqataannik praktikerluni sulineq sivitsorneqassaaq Namminersornerullutik Oqartussat nalunaarutaanni nr. 51, 20. decembari 1990-imeersumi § 20 imm. 2 naapertorlugu.



Imm. 2. Ilinniartuq napparsimanini pissutigalugu ullut 120-t sinnerlugit sulisimangippat praktikkerfiup imaluunniit ilinniartup nammineq praktikkernerup sivitsornissaa piumasarisinnaavaat Namminersornerullutik Oqartussat nalunaarutaanni nr. 51, 20. decembari 1990-imeersumi § 20 imm. 4 naapertorlugu.

**§ 14 - Meeqqap napparsimanerani sulingginnaaneq  
aamma  
ullut isumassuiffissat.**

Akissarsialik meeqqami nukangasup napparsimaffiani ullormi siullermi ullormilu tullermi paarinjarlugu sulingginnaavoq akissarsiassani annaanagit, paarsisussarsinissami tungaanut.

Tamatuma saniatigut akissarsialik ullut 12-it angullugit akissarsiani annaanagit sulinggitsoorinnaatitaavoq meeqqami 0 – 14-inik ukiullip angerlarsimaffimmi, illoqarfimmi najugaqarfimminni avataanilu napparsimavimmut unitsinneqarneranut atasumik, kiisalu aamma napparsimavimmiit napparsimavimmut peqqinnissaqarfiup akiligaanik meeqqaminut ingiallortitut angalaqataasussaattilluni.

Imm. 2. Meeqqap napparsimanerani ullormi siullermi sulingginissamut tunngavissaatinneqartut makkuupput:

- a) Meeqqap napparsimanerani ulloq siulleq aamma/imaluunniit tullia,
- b) meeraq amerlanerpaanik 12-inik ukioqassaaq,
- c) meeqqamut ajunngitsussaaq pillugu pisariaqartitsineqassaaq, aamma,
- d) meeraq angerlarsimaffimmi najugaqartuussaaq.

Imm. 3. Meeqqap angerlarsimaffimmi, napparsimavimmut unitsinneqarneranut tamatumunnгалu attuumassuteqartumik ingiallortitut angalaqataanissamut tunngatillugu sulingginissaaq sulisitsisumut uppernarsaatissaqartinneqassaaq.

Imm. 4. Immikkorluinnaq ittumik pisoqartillugu nakorsamillu uppernarsaatissinneqartumik meeqqap angerlarsimaffimmut, napparsimavimmut unitsinneqarnerani sulingginneq ullut tallimat angullugit sivitsorneqarsinnaavoq.

Imm. 5. Atornerluisoqarpat aaqqissuussineq akissarsialinnut ataasiakkaanut tunngatillugit atorunnaarsinneqarsinnaavoq.

Imm. 6. Akissarsiallip nalinginnaasumik nalunaaquttap-akunnermusiaa ullormi tassani piffissap suliffiusup sivissusianik gangerlugu akissarsisitsisoqassaaq.

Imm. 7. Suleqataasut imm. 2-mi piumasaqaatinik b)-mik aamma d)-mik naammassinnittut qaammatisiutini ukiumut ullut marluk meeqqanik isumassuiffittut atornissaannut pisinnaati-taapput.

## **§ 15 - Qinikkatut pisortanilu toqqakkatut suliaqarnerit.**

Akissarsiallit pisariaqartitsineq naapertorlugu qinikkatut pisortanillu toqqakkatut suliassaqartitaallutik akissarsiaqaratik sulinngissinnaatitaapput, soorlu:

- a) Inatsisartunut ilaasortaq,
- b) Kommunalbestyrelsimut imaluunniit nunaqarfinni aqutsisunut ilaasortaq,
- c) Ilagiit sinniisaannut ilaasortaq,
- d) Atuarfimmi siulersuisunut,
- e) Eqqartuussisoq kredsdommeri,
- f) Eqqartuusseqataasartaq,
- g) Eqqartuussivimmi illersuisoq,
- h) Kommunefogedi kiisalu
- i) pisortatigoortumik pisussaaffiit allat pisortani oqartussaasunit suliassiissutaasut, SIK-p immikkoortortaqaarfiini siulersuisunut ilaasortat imaluunniit SIK-p siulersuisuunerinut ilaasortat.

Imm. 2. Imm. 1 naapertorlugu suliffimmit qimagusimanerit piffissaq qaangiuttoorfiulersussaq sioqqullugu sulianik taamaattumik ingerlatsinerit eqqarsaatigalugit suliffimmik sumiginnaanertut naatsorsuunneqassanngillat. Suliffimmit qimagusimanissaq sapinngisamik siusinaartumik sulisitsisumut nalunaarutigineqartassaaq.

## **§ 16 - Sulinngissinnaanerit immikkut ittut allat.**

Akissarsiallit SIK-mut aamma SIK-p Inuusuttaanut ilaasortat SIK-p siulersuisuunerinut ilaasortaasut siulersuisuunerit ataatsimiinnerini peqataanermanni akissarsiatik pigiinnarlugit sulinngissinnaapput ukiumut sisamariarlutik.

Imm. 2. Qanigisat perulullutik napparsimaneranni, toquneranni ilisaaneranniluunniit peqataajartornissamut akissarsialik ullut arfineq pingasut angullugit akissarsiani pigiinnarlugit sulinngissinnaatitavoq. Taamatut sulinnginnissamut qinnuteqaatit allaganngorlugit sulisitsisumut tunniunneqartassapput. Akiliunneqarluni angalanissamik akuerineqarsimaguni, siumut utimullu angalanerni ullunut marlunnet akissarsiaqartinneqassallutik.

Imm. 3. Qanigisatut isigineqassapput: angajoqqaat, aapparisaq katissimasaq taamatulluunniit isigineqartoq, meeqqat qatanngutillu, kisianni aapparisaq katissimasap taamatulluunniit isigineqartup ilaqtai pinnagit.

Imm. 4. Imm. 3 malillugu sulisup qanigisaanik perululluni napparsimasoqartillugu toqusoqarsimatilluguluunniit Kalaallit Nunaanni Danmarkimiluunniit napparsimaruluttup toqusulluunniit najugaanut suliffeqarfimmit akiliunneqarluni angalatinneqassaaq sivikinnerpaamik ukiumi ataatsimi ataannartumik atorfeqareersimaguni. Sulinnginnissaq allakkatigut sulisitsisumut qinnuteqaatigineqassaaq.

Imm. 5. Taamatut sulinginnerup nalaani akissarsiassat naatsorsorneqassapput imm. 1 aamma 2 naapertorlugit sulisup piffissaq suliffigisartagaa nalunaaquttap-akunnermusiaalu nalinginnaasoq tunngavigalugit.

Imm. 6. Akissarsiallit SIK-p immikkoortortaqrarfiini siulersuisunut, SIK-p Inuusuttaasa siulersuisunut aamma SIK-p siulersuisuunerinut ilaasortasut sulisartoqarnermut tunngatillugu sulianik ingerlatsiumallutik akissarsiaqaratik sulinginnissamik kissaatigisaat akuersaarneqartariaqarput. Taamatut sulinginnissaq ukioq ataaseq angullugu sivissusilimmik akuersissutigineqarsinnaavoq.

### **§ 17 - Aaqqiagiinngissutit assigiinngitsuliorlunilu soraarsitsinerit.**

Aaqqiagiinngissutit illua'tungeriit Tunngaviusumik Isumaqaatigiissutaanni maleruagassat atuuttut naapertorlugit suliarineqartassapput.

Imm. 2. Inuit ataasiakkaat soraarsinneqarsinnaanerannut pinnaatitaaffimmik atuinermi assigiinngitsuliorloqassanngilaq. Tamanna pillugu aaqqiagiinngissutit tunngaviusumik isumaqaatigiissummi maleruagassat naapertorlugit suliarineqartassapput.

### **§ 18 - Sulisut sinniisaat pillugit malittarisassat.**

Sulisut sinniisaat pillugit illua'tungeriit isumaqaatigiissutaat ulloq 1. aprili 2016-imi atuutilersoq innersuussutigineqarpoq.

### **§ 19 - Qanoq sivistigisumik sulisimanikkut akissaasersugaaneq.**

Akissarsiat ukiut ingerlaneranni qaffakkiartortinneqarnerat sulisunut ilinniagalinnut / ilinniagaqanngitsunut tunngatillugu aalajangersarneqassaaq ilinniarsimasaq atorlugu qanoq sivistigisumik sulisimaneq tunngavigalugu.

Imm. 2. Qanoq sivistigisumik sulisimaneq malillugu akissarsiat qaffakkiartornissaat siusinnerpaamik naatsorsorneqalersinnaavoq qaammatip ilinniakkamik naammassinniffiusup naanera aallarnerfigalugu.

Imm. 3. Qanoq sivistigisumik sulisimaneq malillugu akissarsiat qaffakkiartornissaat tamatigut qaammatinut ilivitsunut akunnaallisarneqartassaaq, ullut 15-it taakkualuunniit ataallugit sulisimaneq ilanngunneqarneq ajormata.

Imm. 4. Akissarsiallit KNI A/S-imi immikkoortoqarfimmiit immikkoortoqarfimmut allamut nuuttut qanoq sivilutigisumik sulisimaneq malillugu akissarsiat qaffariaatissaat attatiinnasavaat.

### § 20 - Akissarsiat tungaviusut.

TNI-mi ilinniartut								
	1. april 2019		1. april 2020		1. april 2021		1. april 2022	
	Tiimimut	Qaamm.	Tiimimut	Qaamm.	Tiimimut	Qaamm.	Tiimimut	Qaamm.
TNI ukioq 1	46,63	8.082,38	48,28	8.368,37	49,98	8.663,03	51,68	8.957,69
TNI ukioq 2	61,28	10.621,66	62,93	10.907,66	64,63	11.202,32	66,33	11.496,98
TNI ukioq 3	75,75	13.129,75	77,40	13.415,74	79,10	13.710,40	80,80	14.005,06
TNI ukioq 4	79,06	13.703,47	80,71	13.989,46	82,41	14.284,13	84,11	14.578,79
TNI ukioq 5	80,72	13.991,20	82,37	14.277,19	84,07	14.571,85	85,77	14.866,51

Imm. 2. Ilinniagaqanngitsut 18-it ataallugit ukiullit.								
	1. april 2019		1. april 2020		1. april 2021		1. april 2022	
	Tiimimut	Qaamm.	Tiimimut	Qaamm.	Tiimimut	Qaamm.	Tiimimut	Qaamm.
ukioq 1	62,60	10.850,46	64,35	11.153,79	66,15	11.465,78	67,95	11.777,77
Ukiut 2 + 3	62,67	10.862,59	64,42	11.165,92	66,22	11.477,91	68,02	11.789,91
Uk. Kingulii	63,67	11.035,92	65,42	11.339,25	67,22	11.651,24	69,02	11.963,24

Imm. 3. Ilinniagaqanngitsut 18-it sinnerlugit ukiullit, kiisalu NI-2-mi ilinniartut								
	1. april 2019		1. april 2020		1. april 2021		1. april 2022	
	Tiimimut	Qaamm.	Tiimimut	Qaamm.	Tiimimut	Qaamm.	Tiimimut	Qaamm.
Ukiut 1 + 2	97,89	16.967,27	99,64	17.270,60	101,44	17.582,60	103,24	17.894,59
Ukiut 3 + 4	98,39	17.053,94	100,14	17.357,27	101,94	17.669,26	103,74	17.981,25
Ukiut 5 + 6	98,89	17.140,60	100,64	17.443,93	102,44	17.755,93	104,24	18.067,92
Ukiut 7 + 8	99,39	17.227,27	101,14	17.530,60	102,94	17.842,59	104,74	18.154,58
Uk. Kingulii	99,89	17.313,93	101,64	17.617,26	103,44	17.929,26	105,24	18.241,25

Imm. 4. Ilinniagal-lit.								
	1. april 2019		1. april 2020		1. april 2021		1. april 2022	
	Tiimimut	Qaamm.	Tiimimut	Qaamm.	Tiimimut	Qaamm.	Tiimimut	Qaamm.
Ukiut 1 + 2	116,94	20.269,21	118,84	20.598,54	120,84	20.945,20	122,84	21.291,86
Ukiut 3 + 4	117,94	20.442,54	119,84	20.771,87	121,84	21.118,53	123,84	21.465,19
Ukiut 5 + 6	118,94	20.615,87	120,84	20.945,20	122,84	21.291,86	124,84	21.638,52
Ukiut 7 + 8	119,94	20.789,20	121,84	21.118,53	123,84	21.465,19	125,84	21.811,85
Uk. Kingulii	120,94	20.962,53	122,84	21.291,86	124,84	21.638,52	126,84	21.985,18

Imm. 5. Overassistentit									
	1. april 2019		1. april 2020		1. april 2021		1. april 2022		
	Tiimimut	Qaamm.	Tiimimut	Qaamm.	Tiimimut	Qaamm.	Tiimimut	Qaamm.	
Ukiut 1 + 2	122,59	21.248,52	124,49	21.577,85	126,49	21.924,51	128,49	22.271,17	
Ukiut 3 + 4	123,34	21.378,52	125,24	21.707,85	127,24	22.054,51	129,24	22.401,17	
Ukiut 5 + 6	124,10	21.510,25	126,00	21.839,58	128,00	22.186,24	130,00	22.532,90	
Ukiut 7 + 8	124,84	21.638,52	126,74	21.967,84	128,74	22.314,50	130,74	22.661,16	
Uk. Kingulii	125,59	21.768,51	127,49	22.097,84	129,49	22.444,50	131,49	22.791,16	

Imm. 6. Immikkoortumi pisortat									
	1. april 2019		1. april 2020		1. april 2021		1. april 2022		
	Tiimimut	Qaamm.	Tiimimut	Qaamm.	Tiimimut	Qaamm.	Tiimimut	Qaamm.	
Ukiut 1 + 2	130,28	22.581,43	132,18	22.910,76	134,18	23.257,42	136,18	23.604,08	
Ukiut 3 + 4	131,44	22.782,50	133,34	23.111,82	135,34	23.458,48	137,34	23.805,14	
Ukiut 5 + 6	132,59	22.981,82	134,49	23.311,15	136,49	23.657,81	138,49	24.004,47	
Uk. Kingulii	133,73	23.179,42	135,63	23.508,75	137,63	23.855,41	139,63	24.202,07	

Imm. 7. Niuertut 1. Januar 2018 sioqullugu atorfinittut				
	1. april 2019	1. april 2020	1. april 2021	1. april 2022
Najukkat 200 ataallugit inullit	Qaamm.	Qaamm.	Qaamm.	Qaamm.
Ukiut 1 + 2	25.287,97	25.617,29	25.963,95	26.310,61
Ukiut 3 + 4	26.287,97	26.617,29	26.963,95	27.310,61
Uk. Kingulii	27.287,97	27.617,29	27.963,95	28.310,61

Najukkat 201-400 inullit	1. april 2019	1. april 2020	1. april 2021	1. april 2022
	Qaamm.	Qaamm.	Qaamm.	Qaamm.
Ukiut 1 + 2	28.287,97	28.617,29	28.963,95	29.310,61
Ukiut 3 + 4	29.287,97	29.617,29	29.963,95	30.310,61
Uk. Kingulii	30.287,97	30.617,29	30.963,95	31.310,61

Najukkat 401-600 inullit	1. april 2019	1. april 2020	1. april 2021	1. april 2022
	Qaamm.	Qaamm.	Qaamm.	Qaamm.
Ukiut 1 + 2	31.287,97	31.617,29	31.963,95	32.310,61
Ukiut 3 + 4	32.287,97	32.617,29	32.963,95	33.310,61
Uk. Kingulii	33.287,97	33.617,29	33.963,95	34.310,61

Imm. 8. Niuertut 1. Januar 2018 kingusinnerusumiilluunniit atorfinittut				
	1. april 2019	1. april 2020	1. april 2021	1. april 2022
Najukkat 100 ataallugit inullit	Qaamm.	Qaamm.	Qaamm.	Qaamm.
Ukiut 1 + 2	22.581,44	22.910,76	23.257,42	23.604,08
Ukiut 3 + 4	22.782,50	23.111,82	23.458,48	23.805,14
Uk. Kingulii	22.981,83	23.311,15	23.657,81	24.004,47

	1. april 2019	1. april 2020	1. april 2021	1. april 2022
Najukkat 101-200 inullit	Qaamm.	Qaamm.	Qaamm.	Qaamm.
Ukiut 1 + 2	25.287,97	25.617,29	25.963,95	26.310,61
Ukiut 3 + 4	26.287,97	26.617,29	26.963,95	27.310,61
Uk. Kingulii	27.287,97	27.617,29	27.963,95	28.310,61

	1. april 2019	1. april 2020	1. april 2021	1. april 2022
Najukkat 201-400 inullit	Qaamm.	Qaamm.	Qaamm.	Qaamm.
Ukiut 1 + 2	28.287,97	28.617,29	28.963,95	29.310,61
Ukiut 3 + 4	29.287,97	29.617,29	29.963,95	30.310,61
Uk. Kingulii	30.287,97	30.617,29	30.963,95	31.310,61

	1. april 2019	1. april 2020	1. april 2021	1. april 2022
Najukkat 401-600 inullit	Qaamm.	Qaamm.	Qaamm.	Qaamm.
Ukiut 1 + 2	31.287,97	31.617,29	31.963,95	32.310,61
Ukiut 3 + 4	32.287,97	32.617,29	32.963,95	33.310,61
Uk. Kingulii	33.287,97	33.617,29	33.963,95	34.310,61

Imm. 9. Niuertut akissarsiaqarnikkut inissinneqarnerat pisassaaq ukiumi atorfinitsitsiviusumi januaarip aallaqqaataani nunaqarfiup inuttussusianik Kalaallit Nunaanni Naatsorsueqqissaartarfiup naatsorsugaatai aallaavigalugit. Atorfeqarnerup nalaani nunaqarfik inukillippat atorfinitsinneqarnermi akissarsiaqarnikkut inissinneqarfigisaq attatiinnarneqassaaq.

Niuertut 31. decembari 2017, imm. 7 naapertorlugu, atorfinitsinneqarsimasut nunaqarfimmi allami niuertutut atorfissarsiortut imm. 8 naapertorlugu inissinneqarlutillu akissarsiaqartinneqassapput.

### **§ 21 - Områdeledegerit tapeq.**

Områdeledegerit ilinniagallit qaammammut aaliangersimasumik kr. 1.000-inik tapisitinneqassapput.

### **§ 22 - Piffissap ilaannaani suliffeqarneq.**

Akissarsiallit piffissap ilaannaani sulisussatut atorfinitsinneqartut piffissamut sulinerminnut naapertuuttumik akissaateqartinneqassapput qaammammusiaqanngikkunik nalunaaquttapakunnermusiaqartinneqassallutik § 19 naapertorlugu ilinniarsimasaminni qanoq sivilutiginisumik sulisimanerat tunngavigalugu naatsorsorneqartussamik.

**Imm. 2.** Akissarsiallit piffissap ilaannaani suliffeqartut sapaatip- akunnerannut agguaqatigiissilugu nalunaaquttapakunnerini 15-ini taakkunangaluunniit amerlanerusuni sulisarunik ukiut

suliffiit malillugit akissarsiat qaffakkiartuutaat tamakkiisumik pisassavaat. Sapaatip-akunnerannut agguaqatigiissillugu nalunaaquttap-akunnerini 15-init ikinnerusuni sulisarunik ukiut suliffiit malillugit akissarsiat qaffakkiartuutaat piffissap suliffigisartakkamik sivissusianut naapertuuttunngorsarlugit pissavaat.

Imm. 3. Piffissaq suliffiusussatut isumaqatigiissutaasimasoq sinnerlugu sulisoqarsimappat, kianni sapaatip-akunnerinut marlunnut nalunaaquttap-akunnerisa 80-t iluanni sulineqarsimalluni, nalinginnaasumik nalunaaquttap-akunneranut akissarsisitsisoqassaaq.

Imm. 4. Sapaatip-akunnerinut marlunnut nalunaaquttap-akunneri 80-t sinnerlugit sulineqarsimappat § 23 naapertorlugu akissarsisitsineqassaaq.

Imm. 5. Piffissamik suliffiusartumik allanngortitsineq, aamma sulilernermi piffissamik piffissap ilaannaani sulisartunut suliffiusartussamik isumaqatigiissutigisamik sivitsuigallarneq, taamaallaat pisinnaavoq ullunik pingasunik sioqquillsilluni ilisimatitsinikkut. Taamatut sioqquillsilluni ilisimatitsisoqarsimangippat nalunaaquttap-akunneri suliffigisat qaavatigut nalunaaquttap-akunneranik ataatsimik akissarsisitsisoqassaaq. Piffissamik suliffiusussamik allanngortitsineqartillugu allanngortinneqartup nalaani suleqataanginnissamik ataasiakkaat kissaataat eqqarsaatigineqarsinnaapput.

### **§ 23 - Qaangiuttoorneq aamma taarsiullugu sulinngikkallarneq.**

Qaangiuttoornerit sapinngisamik pinaveersarneqartassapput. Nalinginnaasumik piffissap suliffiusup qaangiutereernerani naalakkiutaasumik nakkutigisaasumillu sulinernut qaangiuttoornerisitsisoqartassaaq, nalunaaquttap-akunnermusiaq ima annertussusilimmik taperlugu:

Nalunaaquttap-akunneri qaangiuttoorfiit 1, 2 aamma 3.....Tunngaviusumik akissarsiat 50 %-iat, takuuk § 20.

Nalunaaquttap-akunneri qaangiuttoorfiit 4 kinguliilu kiisalu sapaatini nalliuttunilu qaangiuttoornerit.....Tunngaviusumik akissarsiat 100 %-iat, takuuk § 20.

Qaangiuttoornerisassat katersorneqassapput nalunaaquttap-akunnerisa affaat aallartinneqartut tunngavigalugit. Nalunaaquttap-akunnermusiaq nalinginnaasumik ukiumut akissarsiat 1/2080-iattut naatsorsorneqassaaq.

Imm. 2. Akissarsiallit piffissami akissarsiorfimmit sivikinnerusumik sulisimasut piffissaq suliffigisaat ullormut nalunaaquttap-akunnerinut 8-nut naatsorsorneqassaaq, taamaattorli sapaatip-akunneranut nalunaaquttap-akunneri 40-t.

Imm. 3. Qaangiuttoornissaq ilisimatitsissutigineqartassaaq ullormi qaangiuttoorfiusussami suliffiup naanissaa nalunaaquttap-akunnerinik tallimanik sioqqullugu.

Imm. 4. Qaangiuttoornissaq siumoortumik ilisimatitsissutaanngippat, qaangiuttoornerlu nalunaaquttap-akunneri marluk sinnerlugit sivilissuseqarpat, nalunaaquttap-akunneri qaangiuttoorfiusut nalunaaquttap-akunneranik ataatsimik ilallugit akissarsissutigineqassapput.

Imm. 5. Akissarsialik suliffiup nalinginnaasup avataani siumoortumik ilisimatineqarnani suliartoqquneqarpat ikinnerpaamik nalunaaquttap-akunnerinik sisamanut akissarsitineqassaaq.

Imm. 6. Ullormut suliffissap nalinginnaasup avataatigut qaangiuttoornerit sivikinnerpaamik nalunaaquttap-akunneri 4-ppata taakku suliffioreersut saniatigut qaangiuttoornerisiamik nalunaaquttap-akunnerata ataatsip nalinganik akissarsissutigineqassaaq.

Imm. 7. Qaangiuttoornerit akissarsiallip sulisitsisullu akornanni isumaqatigiissuteqarneratigut sulingikkallarnermik taarserneqarsinnaapput. Sulingikkallarnermi qaangiuttoornerisassara-luit nalunaaquttap-akunnerisa qaangiuttoorfiusut amerlaqataat imm. 1-imi taaneqartunik taperlugit sulingiffeqarnermik taarserneqassapput. Piffissaq sulingikkallarfiissaq katersorneqassaaq qaangiuttoornermi nalunaaquttap-akunnerisa affaasa aallartinneri tamaasa. Piffissaq sulingikkallarfiissaq aalajangerneqassaaq suliffimmut ajunngitsussaq sulisullu kissaatai eqqarsaatigalugit.

Imm. 8. Ilinniartut TNI-milu ilinniartut qaangiuttoorneri sulisut ilinniagaqanngitsut 18-inik uki-oqalereersimasut ullunut 14-inut akissarsiaqartut akissarsiaasa angeqqataanik akilerneqar-tassapput.

## **§ 24 - Suliarortarfinni nikittartuni kiisalu sapaatini nalliuttunilu tapisiat.**

Sapaatini nalliuttunilu sulinermi nalunaaquttap-akunnermusiaq tungaviusumik akissarsiat 50%-iannik taperneqartassaaq, § 20 naapertorlugu.

Ulluinnarni piffissani ukunani sulinermut:

Nal. 18.00 - 23.00 tapisiaritineqassapput kr. 4.50 nalunaaquttap-akunneranut.

Nal. 23.00 - 06.00 tapisiaritineqassapput kr. 7.50 nalunaaquttap-akunneranut.

Arfininngornermi nal. 14.00-ip kingorna sulinermi nalunaaquttap-akunneranut tapeq kr. 7,50-iuvoq. Akissarsiallit 18-it inorlugit ukiullit arfininngornermi tapip 50%-ianik pisassapput.

Qaangiuttoortoqartillugu qaangiuttoornerit aamma § 23 imm. 1 naapertorlugu akilerneqar-tassapput.



Imm. 2. Ullut nalliuttutut isigineqassapput, uku:

- a) Ilagiit nalliuttui,
- b) Juulliaraq,
- c) Kunngit pingasut ulluat nal. 12.00-ip kingorna,
- d) 1. Maaji, nal. 12.00-ip kingorna,
- e) Kalaallit inuiattut ullorsiorfiat 21. Juuni,
- f) Ukiutoq.

### **§ 25 - Nalliuttuni ulluinnartigoortuni akissarsiat.**

Nalliuttutut ulluinnartigoortutut isigineqassapput nalliuttut § 24 imm. 2-mi taaneqartut, taakku sapaammik eqquinngippata.

Imm. 2. Akissarsiallit nalunaaquttap-akunneranut akissarsiaqartinneqartut nalliuttuni ulluinnartigoortuni sulinermut akissarsiaqartinneqassapput nalliuttup ulluinnartigoortup siuninnguatigut suliffimmi tassanerpiaq ikinnerpaamik ulluni tallimani atorfeqarsimagunik, akissarsiaat ima taperneqassapput:

	Nalliuttumut ullormut ilivitsumut	Nalliuttumut ullormut affarmut
Ilinniagaqanngitsut 18 inorlugit ukiullit	100	50
Assistentit Ilinniagaqanngitsut 18 sinn. Ukiullit	200	100
Assistentit ilinniagallit	200	100

Imm. 3. Nalliuttumi ulluinnartigoortumi sulisoqarpat imm. 2 naapertorlugu akissarsiat isumaqatigiissutaasut nalinginnaasut qaavatigut nalliuttumut ulluinnartigoortumut tapeqartitsisoqassaaq.

Imm. 4. Piffissap ilaannanni suliffeqartut ullut arfineq-marluk ingerlaneranni nalinginnaasumik nalunaaquttap-akunneri 20-t inorlugit sulisartut imm. 2-mi taaneqartut affaannik tapeqartinneqassapput.

### **§ 26 - Nikittarluni sulinermut tapisiat § 1 g) naapertorlugu atorfeqartunut.**

Nikittarluni sulinermi tunngaviumik akissarsiat tapeqartinneqassapput. Tapeq nalunaaquttap-akunnerinut suliffiusunut tamanut atuuttoq imaassaaq:

Sulisut aappasaanik nikinnerinut (unnukkorsiortunut)	kr. 4,50.
Sulisut pingajussaanik nikinnerinut (unnuarsiortunut)	kr. 7,50.

Imm. 2. § 24-mi taaneqartut nikingasumik sulinermut tapisiat aamma nikittarluni sulinermut tapisiat imm. 1-mi taaneqartut ataatsikkut atortinneqassanngillat.

Imm. 3. Suliartortarfinni nikittartuni qaangiuttoornermi aamma nikittarluni sulinermi sulinngikkallartitsisoqartassaaq § 23 imm. 6 naapertorlugu imaluunniit qaangiuttoornerisitsisoqassalluni § 23 imm. 1 naapertorlugu, imm. 1 naapertorlugu tapiissutisiassanut taarsiullugu.

Imm. 4. Nikinnerit aappaanni pingajuannilu nalunaaquttap-akunnerisa 40-t anguneqarneri tamaasa toqqorneqarallartussatut pissarsiarineqartassapput sulinngikkallarnerit nalunaaquttap-akunnerisa suliffiit marluk nalingi, taakkulu ullorlu ilivitsoq sulinngiffittut tunniunneqartassallutik sulisitsisup sulisullu isumaqatigiissuteqarnerisigut taassumalu sulisut sinniisuat aqqu-tigalugu. Nikinnerit aappaanni pingajuannilu sapaatip-akunnerata ulluisa ilaannaani sulinermi sulinngikkallarfiisaaq piffissamut suliffigisimasamut naapertuuttumik toqqorneqarallartussaaq pissarsiarineqartassaaq.

### **§ 27 - Akkordersinnaannginnermut tapisiat § 1 g) naapertorlugu atorfeqartunut.**

Sannavinni il.il. akkorderfiusinnaanngitsuni akkordersinnaannginnermut ima tapisitsisoqartassaaq:

Sulisartut ilinniagallit	kr. 4,20 nalunaaquttap-akunneranut
Suisartut ilinniagaqanngitsut	kr. 2,40 nalunaaquttap-akunneranut

Imm. 2. Sulisut bonusisiaqarluni akkorderluniluunniit sulinissamut periarfissaqanngitsut, tunisassiornermulli toqqaannartumik atasumik suliallit, taamatuttaaq tapisiaqartinneqartassapput. Illua'tungeriit isumaqatigiissuteqarnikkut aalajangersassavaat sulisut kikkut taamatut tapisiaqartinneqartassanersut.

Imm. 3. Imm. 1 naapertorlugu tapisiat imaalillugit qaffanneqarsinnaapput:

Sulisartut ilinniagaqarsimasut	kr. 6,60 nalunaaquttap-akunneranut
Sulisartut ilinniagaqanngitsut	kr. 5,00 nalunaaquttap-akunneranut

Tapisiisaaq taanna sulisunut pikkorissunut tunniunneqarsinnaavoq sulisitsisup suliffimmilu sulisut sinniisaata isumaqatigiinniareernerisigut.

### **§ 28 - Suliartoqquneqariataarsinnaanermut tapeq.**

Akissarsiallit nakkutigineqarsinnaanngitsumik nakkutigiuminaatsumiilluunniit qaangiuttoortartut qaangiuttoornerisaannut aammalu suliartortarfinni nikittartuni sulinermut tapisiaannut taarsiullugu sukkuilluunniit suliartoqqusaasinnaanermut tapisiaqartinneqarsinnaapput. Tapeq taanna qanoq atsigissanersooq suliffeqarfiup sulisullu sinniisaata akornanni isumaqatigiinniarnikkut imaluunniit isumaqatigiinniartarnerni illua'tungeriit isumaqatigiinniarnersigut aalajangersarneqassaaq.

## **§ 29 - Oqaluttaanermut tapeq.**

Akissarsiallit oqalutsitut ilinniagaqavissimangitsut, kisianni oqaluttaanermik allakkatigullu nutserinernik suliaqartartut, qaammammusalinnut qaammammut kr. 500,00-nik aamma nalunaaquttap-akunnermusialinnullu sapaatip-akunneranut kr. 125,00-nik tapisiaqartinneqassapput.

## **§ 30 - Kingoraartaaneq.**

Akissarsialik qinnuigineqarnini naapertorlugu atorfimmi qaffasinnerusumi sulisinnerqarallartoq maleruagassat ataani taaneqartut malillugit akilersorneqartussaavoq, suliasat atorfimmut qaffasinnerusumut attuumassuteqartut tiguppagit.

Imm. 2. Atorfimmi qaffasinnerusumi sulisinnerqarallarnermi akilersorneqartussaaneq atuutis-saaq atorfik taamaattoq ulluni ataqtigiissuni 12-ini akissarsiallip isumagippagu aammalu ul-luni taakkunani ulloq siulleq kingullerlu suliffigisimappagit.

Imm. 3. Tamatuma kingorna akissarsiasat ima aaqqiivigineqassapput, akissarsiallip nammineq atorfimmini nalinginnaasumik akissarsiaasa atuuttut atorfimmilu qaffasinnerusumi tigung-migallagaani akissarsiaritinneqartut assigiinngissutaat akissarsiaanut ilanngunneqassallutik, tapiliussaqaarpallu taakku ilanngullugit.

## **§ 31 - Tapisiat immikkut ittut.**

KNi A/S SIK-mik imaluunniit sulisut sinniisaannik isumaqatiginninniaqqaarani inummut nam-minermut tapisiaqatitsisinnaavoq aalajangersimasumik tapisiaqartitsinikkut imaluunniit ataasiarluni tapisiaqartitsinikkut, tamatumani siunertaalluni sulisussaqaarnissamik sulisunillu attassinissamik qulakkeerinninnissaq aamma/imaluunniit immikkut ittumik sulilluarnermut akiliuteqaarnissamik.

Imm. 2. Akissarsiallit Aasianni, Qaanaami, Tasiilami aamma Ittoqqortoormiini umiarsuarnik usilersuinermi usingiaanermilu suleqataasartut sumiiffimmi isumaqatigiissuteqarfigineqar-sinnaapput usilersuinermit usingiaanermullu nalunaaquttap-akunneranut annerpaamik 7,00 kr.-inik tapeqartinneqarnissaannik.

## **§ 32 - Soraarnerussutisiaqalernissamut akiliutit taakkualu akilerneqartarnerat.**

Akissarsiallip soraarnerussutisiassaanut akiliutit sulisitsisup Soraarnerussutisiaqalernissamut Aningaasaateqarfimmut (SISA) akilertassavai.

Soraarnerussutisiassanut akiliutit § 1 naapertorlugu sulisunut:

1)

Akissarsiallit 18-inik aamma 19-inik ukiullit, taamaallaallu akissarsianut ullormit akissarsiallip 18-inik ukioqalerfigisaanit katersorneqarsimasunut akiliutit:

Sulisitsisup 1.4.19: Tunngaviusumik akissarsiat 5%-iata 2/3-ii, § 20 naapertorlugu.

Sulisup 1.4.19: Tunngaviusumik akissarsiat 5%-iata 1/3-ii, § 20 naapertorlugu

Sulisitsisup 1.4.20: Tunngaviusumik akissarsiat 6%-iata 2/3-ii, § 20 naapertorlugu.

Sulisup: 1.4.20: Tunngaviusumik akissarsiat 6%-iata 1/3-ii, § 20 naapertorlugu

Sulisitsisup 1.4.21: Tunngaviusumik akissarsiat 7%-iata 2/3-ii, § 20 naapertorlugu.

Sulisup: 1.4.21: Tunngaviusumik akissarsiat 7%-iata 1/3-ii, § 20 naapertorlugu

Sulisitsisup 1.4.22: Tunngaviusumik akissarsiat 8%-iata 2/3-ii, § 20 naapertorlugu.

Sulisup: 1.4.22: Tunngaviusumik akissarsiat 8%-iata 1/3-ii, § 20 naapertorlugu

2)

Akissarsiallit 20-nik ukioqalersimasut, taamaallaallu akissarsianut ullormit akissarsiallip 20-nik ukioqalerfigisaanit katersorneqarsimasunut.

Sulisitsisup 1.4.19: Tunngaviusumik akissarsiat 8,00%-ii, § 20 naapertorlugu.

Sulisup 1.4.19: Tunngaviusumik akissarsiat 2,88%-ii, § 20 naapertorlugu.

Sulisitsisup 1.4.20: Tunngaviusumik akissarsiat 8,10%-ii, § 20 naapertorlugu.

Sulisup 1.4.20: Tunngaviusumik akissarsiat 2,93%-ii, § 20 naapertorlugu.

Sulisitsisup 1.4.21: Tunngaviusumik akissarsiat 8,20%-ii, § 20 naapertorlugu.

Sulisup 1.4.21: Tunngaviusumik akissarsiat 2,98%-ii, § 20 naapertorlugu.

Sulisitsisup 1.4.22: Tunngaviusumik akissarsiat 8,30%-ii, § 20 naapertorlugu.

Sulisup 1.4.22: Tunngaviusumik akissarsiat 3,03%-ii, § 20 naapertorlugu.

Imm. 2. Soraarnerussutisiaqalernissamut akiliutit imm. 1-imi taaneqartut saniatigut akissarsiallik sulisitsisumit soraarnerussutisiassaqaartinneqarsinnaangilaq ikiorsiissutisisinnaananiluunniit.

**§ 33 - Qaammarsaanermut ilinniartitaanermullu Aningaasaateqarfik,  
Sulinngiffeqarluni Angalanermut Aningaasaateqarfik  
kiisalu  
Isumaginninnermut Aningaasaateqarfik.**

KNI A/S Qaammarsaanermut Ilinniartitaanermullu Aningaasaateqarfimmut 1. septembari 1971-imeersumut nalunaaquttap-akunneranut suliffigineqartumut 0,70-kr.-inik akiliuteqartassaaq.

**Imm. 2.** KNI A/S nalunaaquttap-akunneranut suliffigineqartumut 0,50 kr.-inik Sulinnigiffeqarluni Angalanermut Aningaasaateqarfimmut akiliuteqartassaaq.

**Imm. 3.** KNI A/S nalunaaquttap-akunneranut suliffigineqartumut 0,33 kr.-inik Isumaginninnermut Aningaasaateqarfimmut SIK-ip KNI A/S-illu akornanni pilersinneqartumut akiliuteqartassaaq.

**§ 34 - Soraarniuteqarneq soraarsitsinerlu.**

Atorfilinnut isumaqatigiisummi matumani pineqartunut atuupput soraarniuteqarnermi soraarsitsinermilu siumoortumik kalerriisarnissamut aalajangersakkat atorfillit pillugit inatsimiittut. Atorfillit isumaqatigiisummi tassani pineqartut misilinneqarlutik qaammatini pingasuni atorfinitsinneqartassapput. Misilinneqarluni atorfeqarnerup nalaani sulisitsisoq ullunik 14-inik sioqqutsisumik kalerriuteqarluni soraarsitsisinnaavoq.

Akissarsialinnut atorfillit pillugit inatsimmi pineqanngitsunut soraarsitsinermi sioqqutsisumik kalerriuteqartarnissamut aalajangersakkat uku atuupput:

Qaammatip suliffiusup siulliup ingerlanerani atorfeqarnerup atorunnaarsinneqarnissaanut tungasumik sulisitsisoq sulisorluunniit siumoortumik kalerriinissaminnut pisussaatitaangillat. Tamatuma kingorna makku atuutissapput:

<b>Kalerriiffissat</b>	<b>KNI A/S-imit</b>		<b>Sulisumit</b>	
<b>Ilinniagaqanngitsut</b>	<b>Akunerm.</b>	<b>Qaammam.</b>	<b>Akunerm.</b>	<b>Qaammam.</b>
Ukiup atorfeqarfiup 1-p sinnera	Sap.ak. 2	Qaamm. 1	Ullut 3	Qaamm. 1
Ukiut atorfeqarfiusut 2, 3, 4	Sap.ak. 3	Qaamm. 2	Sap.ak. 1	Qaamm. 1
Tamatuma kingorna	Sap.ak. 4	Qaamm. 3	Sap.ak. 1	Qaamm. 1

<b>Kalerriiffissat</b>	<b>KNI A/S-imit</b>		<b>Sulisumit</b>	
<b>Ilinniagallit</b>	<b>Akunerm.</b>	<b>Qaammam.</b>	<b>Akunerm.</b>	<b>Qaammam.</b>
Ukiup atorfeqarfiup 1-p sinnera	Sap.ak. 2	Qaamm. 1	Ullut 3	Qaamm. 1
Ukiup affaani atorfeqarnermi	Sap.ak. 4	Qaamm. 3	Sap.ak. 2	Qaamm. 1
Tamatuma kingorna kalerriiffissaq ukiut pingasukkaarlugit qaammammik ataatsimik sivitsoorneqartassaaq, siviuserpaamilli	Sap.ak. 6	Qaamm. 6	Sap.ak. 3	Qaamm. 1

**Imm. 2.** Suliunnaarnissamik / soraarsitsinermik kalerriuteqarnissamut piffissarititaasut suliffimmi tassanerpiaq aammalu atasuinnarmik piffissani taakkunani sulisimasunut imm. 1-imi taaneqartut malinneqassapput. Taamaattoq pissutsit makku suliunnaarnertut naatsorsuutigineqassanngillat:

- a) Napparsimaneq, suliffiup nalinginnaasup aallartinnerani suliffimmut nalunaarutigineqartoq,
- b) Inatsisartut peqqussutaat naapertorlugu naartunermi, erninermi qitornavissiarthaarnermilu sulinngiffeqarnermi, imaluunniit
- c) Pissutsit sulisitsisup atugarisai pissutigalugit sulineramik unitsitsinerit, akissarsialik neqeroorfigineqarnini tunngavigalugu suleqqilersimappat,
- d) Sulisitsisup akissarsiallillu isumaqatigiissuteqarnerat tunngavigalugu suliffeqarfik qimannagu immikkoortoqarfimmit immikkoortoqarfimmut allamut nuutsitaasogarsimatillugu.

**Imm. 3.** Sulisitsisup soraarsitsinissamik siumoortumik kalerriinissaralua atorunnaassaaq akissarsialik atorfeqartitaanermini pissutsinik atornerluisimappat.

**Imm. 4.** Sulisitsisup soraarsitsinissamik siumoortumik kalerriinissaralua atorunnaassaaq suliffimmi ingerlatsineq tamakkiisumik ilaannakortumilluunniit naatsorsuutiginggisamik unitsinneqarnerani sulisoqarsinnaajunnaarallarsimappat.

**Imm. 5.** Sulisoq sulisitsisorlu tamarmik suliunnaarnissamik/soraarsitsinissamik allakkatigut kalerriuteqartassapput.

## **§ 35 - Piffissaq isumaqatigiissutip atuuffia.**

Isumaqatigiissut una 1. aprili 2016 atuutilerpoq. Isumaqatigiissut qaammatinik pingasunik siqqutsisumik kalerriuteqarluni 31. marsimut illua'tungeriinnit atorunnaarsinneqarsinnaavoq, siusinnerpaamilli 2019-imi.

**Imm. 2.** Isumaqatigiissutip atorunnaarsinneqarnerata kingorna nutaamik isumaqatigiissuteqarnissap tungaanut 31. marsi 2019 killigalugu akissarsiat pillugit isumaqatigiissummi atuuttut malinneqassapput.

**Imm. 3.** Isumaqatigiissut una aqqutigalugu sulisut SIK-mut ilaasortanngoqqullugit KNI A/S-ip kaammattorusuppai.

## § 36 - Atsiornerit.

Manna isumaqatigiissutigineqarpoq SIK-p siulersuisuunerinit aamma KNI A/S-ip siulersuisuinit akuerineqarnissaa naatsorsuutigalugu.

Nuuk, ulloq 12.8.2019

Nuuk, ulloq 12/8-2019

Sulinermik Inuussutissarsiupeqartut Kattuffiat

KNI A/S

---

Jess G. Berthelsen  
Kattuffiup siulittaasua

---

Jan H. Lynge-Pedersen  
CFO, KNI A/S